

3917

3918

3919

3920


891-995

81-15

Herr

J. Markl Prag

6



891.71

Հ -

O. Թօգովար

Ա Շ Խ Ե Ն Ն

ՈՒ

Մ Ա Բ Գ Ա Բ Ի Տ Է

Թարգմ. ռուսերէնից:



Թ Ի Ֆ Լ Ի Զ

Տպար. Յ. Մարտիրոսիանցի. | Типогр. И. Мартиросіанца.
Օբеляновская ул. № 1 | 2.

1896

3187

Ա Շ Խ Ե Ւ Ն

ՈՒ

Մ Ա Ր Ք Վ Բ Բ Տ Ը

Дозволено цензурою. Тифлисъ, 25-го априля 1896 года.



Երքնատան ցածլիկ սենեա-
կում մի փոքր աղջիկ
եռանդով բանի էր
նստած: Դա մի նի-
հար, գունատ, թուլի
գէմքով, խոշոր, կար-
մրաթուխ աչքերով ու
սեափայլ գանգուր մաղերով երեխայ էր: Նրա
հայրը իտալացի էր և վաղուց մեռած:

Աղջիկը նոր էր ոտը տասը տարում դրել,
բայց երեսհարքին նայողը կըկարծէր, թէ եօթ-
տարեկան է: Յատակի և սեղանի վրայ թափուած
էին կարդոնի և գունաւոր թղթի կտորներ.
մի կողմը դրած էր մկրատը, միւս կողմը ոո-
սնձի պոեխիկ ամանը և շրէշի փոքրիկ կաթ-

սան: Կեղլիկ պատուհանից ապրիլի տաք արևը
ներս էր ընկել և լուսաւորել սեղանի վրայի
փայլարէ լուսամուտներ ունեցող նախշուն տնակ-
ները, նոր սոսնձած և դեռ չցամաքած կար-
դոնէ կահ-կարասիքը, որոնք կարմիր թղթէ
նստարաններ և ոսկեգոյն ափներ ունէին. լու-
սաւորուել էին նոյնպէս բարձրապարիսպ կիս-
աւարտ աշտարակը, կարդոնէ ոսկեգոյն թնդա-
նօթը և էլի միքանի մանր-մունը բաներ: Աղ-
ջկայ բոլոր ուշք ու միտքը ճարտարաշէն շըր-
ջանակների, կիսաշրջանակների ու զանազան
ձեւերի վրայ էր. նա հասարակ թղթից շինած
օրինակը կպյնում էր կարդոնին, մատիտով նր-
շան անում, մեծ-բերան մկրատով կտրում և
բոլոր կտրտածները ուշի ուշպ մի տեղ դարսում.
յետոյ ձեռը մեկնում մուգ գունաւոր թղթին ու
սոսնձին:

Կարդոնի և գունաւոր թղթի կտորները
նրա ժիր մատների տակ կամաց-կամաց դառ-
նում էին չորստեղանի կառք. առաջ կառքի
արկզն էր երեսում, յետոյ կառապանի նատելու
տեղը, իսկ վերջն էլ անխւներն ու նստարանը:
Երեսում էր որ աղջիկն շտապում էր. շուտ-շուտ

դռանն էր աչք ածում: Նա մօրն էր սպասում,
որ լուսաբացին խաղալիկներով լիքը կողովը ձե-
ռին գնացել էր վաճառելու: Այդ օրը ֆաղկա-
զարդի երկուշաբթին էր: Մայրը խոստացել էր՝
որ ժամը չօրսին յետ կըդառնալ. հիմա հինգը
լրանակու վրայ էր, եկեղեցու գանգակներն ար-
դէն տուել էին. յակ մայրը չկար ու չկար:
Աղջիկը մօտեցաւ պատի պահարանին, մի կտոր
հայ հանեց այնտեղից, աղ ցանեց վրան որ ու-
տի, այդ միջոցին նախասենեակում ոտնաձայն
լսուեց և աղջկայ մայրը՝ Եղիսարէթը տուն մտաւ:

Եղիսաբէթը մի նիհար ու բարձրահասակ
կին էր. նրա ալեխառն մազերին և կնճռոտ
գէմքին նայողը կըկարծէր՝ թէ պառաւ կնիկ է,
այն ինչ զեռ քառասուն տարին նոր էր բոլո-
րում: Նրա բան ու գործն այն էր, որ առաւ-
օտից մինչև երեկոյ խաղալիկները ձեռին շըր-
ջում էր փողոցէ փողոց, ինչ եղանակ էլ լիներ—
անձրեւ, ձիւն, սառնամանիք—նրա համար միւ-
նոյն էր: Ինչ ասել կ'ուզի, որ հեշտ բան չէր.
բայց ցաւն այն էր, որ այդ աշխատանքով չէր
կարողանում այնքան վաստակել, որ ուզած ժա-
մին ցամաք հայ գնէր:

— Մայրիկ ջան, ինչու այդքան ուշացար,
հարցը աղջիկը, բերնի հացը ծամելով, և բը-
թերի վրայ բարձրացաւ, որ նայէ շատ է ծա-
խել մայրը: Կողովը համարեա դատարկ էր:

— Ի՞նչ անէի, Աշխէն ջան. ուշացայ որ
առելի շատ ծախեմ. այսօրուայ օրը ձեռք չի
ընկնիլ, խելք ունեցողը պէտք է շտապի:

Աղջիկը ձեռի գործն շտապով սեղանի մի
կողմը դրեց, մնացած մասի վրայ սփռոցի նման
մի բան փռեց, զեռ աղամանը դրեց, ապա մի
երկու կտոր հաց և յետոյ դուրս վազեց ու մի
ամանով տաք-տաք սնկէսպաս բերեց:

— Ա'պրի իմ աղջիկը. այդ ում մօտ տա-
քացրիր, որ կրակ չես արել:

— Մեր հարեանի տանը տաքացրի, մայ-
րիկ. նա այսօր լուացքատանը շոր էր լուա-
նում. քո դնալուց յետոյ մեր սպիտակեղէնը
տարայ ու լուացի, հարեան կնիկը չբարկացաւ.
սապնաջուր ու մոխրաջուր շատ ունէր, ուրիշի
համար լուացք էր անում:

Այսպէս շարունակ խօսելով եկաւ աղջիկը,
նստեց մօր կողքին, սեղանի մօտ: Մայրը գլխի
շարժումով հաւանութիւն էր տալիս աղջիկայ

ասածներին, այնպէս լոգնել ու քաղցել էր, որ
խոլի խօսելու սիրտ չէր մնացել:

— Այս ինչ բան է, մայրիկ, որ ջրաղաց-
ները հիմա քիչ են վաճառւում. երէլ տարածիդ
կէսը ետ էիր բերել, այսօր էլ նոյնպէս....

— Յետով, հոգիս, յետով. թնդ գեռ մի կտոր
հաց ուտեմ. այսօր շատ խօսելուց լեզուս լոգնել է:

Աշխէնը ստիպուած ոուս կացաւ: Նրա
սիրտը շատ էր ուզում խօսել. ամբողջ օրը՝
առաւատեան ութ ժամից նա մեն-մենակ նըս-
տած էր. անպիտան փիսօն անդամ գնացել էր
զբունելու, իսկ Աշխէնը քիթ սրբելու ժամանակ
էլ չէր ունեցել, ուր մնաց թէ զբունէր: Նա
զիտէր որ մայրը դադրած տուն եկած ժամա-
նակ չի սիրում, որ իրան հակառակուեն:

Մայր ու աղջիկ հաց ուտելը լուռ ու մունջ
վերջացրին: Աշխէնն անխօս վերկացաւ, աման-
ները վեր քաղցեց և կրկին նստեց սեղանի մօտ:
Մայրն աչքի անցրեց նրա աշխատանքը, երկու-
երեք տեղ, ուր մաքուր չէր սոսնձած, թաց
շորով աւելորդ սոսինձը պոկեց և յետոյ ինքն
էլ մատիտը, կարգնը և մկրատն առաջ քաշեց:

— Գէհ, աղջիկս, ուրախ-ուրախ ասաց

մայրը, մի՛ ծուլանար, արի տեսնենք, ով առաջ
կ'ընկնի:

Երկուսն էլ աշխուժով դորձի կացան.
մայրն արագ ու ճարտար կերպով սոսնձում էր,
թուղթը կտրում և նորից սոսնձում: Նրա ձեռից ինչ խաղալիկներ ասես, որ չէին յօրինւում
ու դուրս դալիս—դաստակերտներ, տնակներ,
պարուսակներ, գլխարկներ, ճօճեր:

Աշխէնն ամենայն ճիզ թափում էր, որ
մօրից յետ չմնայ. նրա թուխ դէմքը եռանդով
աշխատելուց կարմրատակել էր. խակ ճակատի
վրայ պսպղում էին քրտինքի խոշոր կաթիլները:
Այդ օրը նա շատ էր յոդնել:


— Դու որ հանգստանալիր, լաւ կրլինէր,
ասաց մայրը, ևս կըվերջացնեմ, դու դնա,
քնիր, սիրելիս:

— Ոչ, մայրիկ, թող վերջացնեմ, ես դեռ
չեմ յոդնել:

Նրա արագաշարժ մատիկները նորից դոր-
ձի կացան: Այնքան աշխատեց փոքրիկ Աշխէ-
նը, որ աչքերն ու ձեռներն խապառ յոդնեցին:
Մայրը՝ որ երբեմն-երբեմն աչքի տակով նայում էր
աղջկան, նկատելով նրա յոդնածութիւնը՝ ասաց.

— Աշխէն, քեզ ասացի, որ դնաս քնես,
անքնութիւնից թուղթն էլ կըփչացնես, առանց
քեզ ես էլ կըվերջացնեմ. դէ դնա՛:

Աղջիկը կտորները մի տեղ ժողովեց, նոր
վերջացրած բաղկաթոռը դրեց սեղանի վրայ և
մօրը բարի զիշեր ասելով՝ դնաց: Եղիսաբէթը
նրանից յետով այնքան փախսաց գործի վրայ,
մինչև սեղանի երեսը լցուեց խաղալիկներով:
Այն ժամանակ միայն վեր կացաւ, յօրանշելով
ճմկտաց, բոլոր պատրաստածը խնամքով դար-
սեց կողովի մէջ, վրան մի շոր փուեց ու ինքն
էլ դնաց քնելու:



Աշխէնն ուրախ ժպտաց և մինչեւ ական-
ջի տակը կարմրեց:

—Այս բոլորը դու ես շինել, հարցրեց եկողը:

—Ես էլ, մարդիկս էլ, պատասխանեց Աշ-
խէնը. ինչ է, հաւանում ես:

—Ի հարկէ. այդպիսի խաղալիկներ, ես
տասը տարի էլ մնամ, չեմ կարող շինել: Այդ
տեսակները միայն մեծ-մեծ խանութներումն եմ
տեսել:

—Պարբիկս էլ այս խաղալիկները հէնց
այնտեղ է տանում վաճառելու:

—Ուրեմն դու այս վաճառելու համար ես
շինում, հարցրեց եկող աղջիկը՝ նոր սոսնձած
մահճակալը զննելով.—ինչպէս ես կալողանում
այսպէս բաներ շինել, չ՞ո դու փոքր աղջիկ ես:

Այս ասելիս հիւրն այնպէս նայեց Աշխէնի
վրայ, կարծես նրա զլխի մեծը լինէր:

—Ինչու եմ փոքրիկ, շուտով տասը տա-
րիս կըլլանայ, միայն բոյս է կարճ, նրա խօս-
քից քիչ նեղացած պատասխանեց Աշխէնը և
նորից կարմրատակեց:

—Ուրեմն դու ինձանից մի տարով մեծ
ես. իմ իննը տարին նոր լրացաւ:

F իւս օրը Աշխէնը դարձեալ նստած՝
եռանդով սոսնձում, կպցնում էր տեսակ-տեսակ
կարգոնէ բաներ: Եղանակն ամպոտ էր ու անձրւ-
ալին. այդպիսի օրերին Ազգէնը տխուր էր լի-
նում, որովհետև նրանց ներքնատան մրաթա-
թախ, գորշ պատերը շատ խաւար էին երւում:
Այդ միջոցին դուռը յանկարծ բացուեց: Աշխէ-
նը շուռ եկաւ. նրա աչքովն ընկաւ մի խուճուճ,
շեկլիկ զլուխ, յետոյ տեսաւ որ մի իննը տարե-
կան աղջիկ անվտահ կերպով տուն մտաւ,
հագին մեխակի գոյն բրդէ շոր, ուե գողնոց,
ուսերին էլ զցած ասղնեգործ վզնոց:

Նա ուզում էր բան հարցնել, բայց խա-
ղալիկները տեսնելով մնաց սառած, սենեակի
մէջտեղը բերանաբաց կանգնած:

—Ա՛խ, այս ինչ լաւ բաներ են, հրճուան-
քով ասաց նա և մօտեցաւ սեղանին:

— Դու որտեղ ես ապրում, հարցը Աշխէնը:

— Մենք երրորդ յարկումն ենք կենում,
մայրս ինձ ներքեւ ուղարկեց լուսարարի մօտ,
որ...

— Հա, իմացայ. ուրեմն դու սխալմամբ ես
այստեղ եկել. լուսարարը մեր դիմացն է կենում:

— Ես կըդնամ և ուրիշ անգամ էլի կըդամ
քեզ մօտ, անվստահ ասաց աղջիկը, դառնալով
դէպի դուռը:

— Կարող ես դալ, ինչու չէ, միայն թէ
մինչեւ ճաշ, այդ ժամանակները ես միշտ մե-
նակ եմ լինում:

— Առաւոտները ես ուսումնարան եմ դնում,
խոկ ժամը երեքից յետոյ ազատ եմ, այն ժա-
մանակ չի կարելի:

— Ոչ, ժամը երեքին ես ու մայրս ճաշում
ենք, խոկ երեկոյեան գործի ենք նստում:

— Եթէ այլպէս է, չորեքշարժի կըդամ.
այդ օրը մեզ վաղ են արձակում:

Աղջիկը ծկեց, խոկ Աշխէնը աւելի եռան-
դով սկսեց աշխատել:

Դա բառուաց իւրաքանչեւ ոչ ուսանուի մախան-
քը և այս պարզութ ութուն ուն այս ու-
սանուած ուն անունը պահ բայ-
րութ ուն այս պարզութ ութուն ուն այս ու-
սանուած ուն անունը պահ բայ-
րութ ուն այս պարզութ ութուն ուն այս ու-
սանուած ուն անունը պահ բայ-
րութ ուն այս պարզութ ութուն ուն այս ու-
սանուած ուն անունը պահ բայ-
րութ ուն այս պարզութ ութուն ուն այս ու-
սանուած ուն անունը պահ բայ-

¶


որեքշարժի օրը Աշխէնն անհամ-
բեր սրտով սպասում էր իւր նոր ծանօթին. մինչեւ
անգամ քիչ էլ բարկանում էր ուշանալու հա-
մար: «Այ, տեսնո՞ւմ ես, ասաց կըդամ ու հիմա
չի դալիս», մտածում էր աղջիկն ու աչքը դէ-
պի դուռը պահում: «Կարելի է նա այսպէս
ասաց, երկի չի դալ», մտածեց Աշխէնը և նրա
աչքերն արտասուքով լցուեցին:

Նա դեռ աչքերը չէր սրբել, որ դուռը
յանկարծ կրնկի վրայ բացուեց և աղջիկը կար-
մրած, ուրախ ժպիտն երեսին ներս վագեց.—
Տես, խօսքիս տէրն եմ թէ չէ, ասաց նա շէմքից
և վաղելով դէպի Աշխէնը, վզովը փաթաթուեց
ու պինդ համբուլեց:

— Այդ ի՞նչ է. ինչու ես լաց եղել:
Ինչքան էլ նա ստիպեց, Աշխէնը չասաց

իսկական պատճառը, աշխատելով հաւատացնել,
որ հէնց այնպէս տխրելուց, լաց է եղել:
Բայց հիւրը խնդրում էր շարունակ.
— Ասա, հաւատացնում եմ ոչ ոքի չեմ ասիլ:
— Ո՛չ, ո՛չ, հոգիս. եօթը տարի էլ որ խընդ-
րես, էլի չեմ ասիլ:

Հիւրը ուսերը վեր քաշեց ու ասաց.

— Մի՞ ասիր, շատ էլ հարկաւոր չէ. յե-
տոյ երեսը դարձրեց դէպի սեղանը, որ նոր
խաղալիկներ էին դարսած՝ տուփիկներ, տա-
դաւարիկներ, կառք, օրօրոց, պահարան:

— Քո անունն ինչ է, հարցրեց Աշխէնը:

— Մարդարիտ. իսկ քո՞նք:

— Իմը՝ Աշխէն է:

— Աշխէն. քո անունը շատ լաւն է, ոչ
մի ընկերուհի չունիմ այդ անունով:

— Դու շատ ընկերուհիներ ունիս:

— Ինչպէս չէ. մեր դասարանում տասն ու
հինգ հոգի ենք, բայց ես ամենքին չեմ սիրում:

— Ի՞նչ բախտաւոր աղջիկ ես... տխուր
սրտով ասաց Աշխէնը. իսկ ես ոչ ոքի չեմ տես-
նում, ամբողջ օրերով չորս պատի մէջ փակուած
գործի եմ լինում:

— Ի՞նչպէս, միթէ դու երբէք չես զբունում:
— Ո՛չ, այլ մի-մի անգամ, երբ մեր գործը
թեթև է լինում, մայս թոյլ է տալիս որ դնամ
բակում վաղվագեմ. բայց այնտեղի տղայքը այն-
պէս չար են, որ ինձ ջղրացնելու համար մի
գլուխ բօշի աղջիկ են կանչում:

— Միթէ դու ուղիղ բօշի աղջիկ ես:

— Ո՛չ, նրանք աղջպէս ասում են թխա-
դէմ լինելուս պատճառով:

Աշխէնը զլուխը կախ դցեց և շարունա-
կեց իւր գործը:

Մարդարիտը գրա համար շատ խզաց Աշ-
խէնին և ասաց.

— Իսկ ես քեզ սիրում եմ, Աշխէն ջան,
և շուտ-շուտ էլ քեզ մօտ կըգամ: Կ'ուգես, հի-
մա քեզ օգնեմ:

— Դու չես կարող, — կասկածանքով պա-
տասխանեց Աշխէնը:

— Ինչո՞ւ չեմ կարող. հապա մէկ նալիք:

Այս ասելով՝ Մարդարիտը վերցրեց մկրա-
տը, թուղթը, օրինակը, մատիտը և եռանդով
գործի կացաւ:

Բայց գործն այնքան էլ հեշտ չէր. որ-

քան աշխատեց, չկարողացաւ մի խաղալիկի
երկու կամ չորս մասերը հաւասար ձեել. ինչ-
քան էլ ուղղում էր, դարձեալ մի տեղ ծուռն
էր գուրս գալիս: Մարգարիտը բոլորովին յոդնեց,
կարմրեց և մկրատը սեղանի վրայ ձգելով ասաց.

— Ե՛հ, այսո չեմ կարող, ի՞նչքան դը-
ժուար է եղել: Քո սիրտն ի՞նչպէս է համբե-
րում, որ ամբողջ օրերով այսպէս մլուլ գործի
համար նստում ես:

— Ես արդէն սովորել եմ, Մարգարիտ ջան.
ի՞նչ արած, հարկաւոր է, ի՞նչպէս չնստեմ, տըխ-
րաձայն վրայ բերեց Աշխէնը:

— Ի՞նչպէս թէ հարկաւոր է. մայրդ է
ստիպում քեզ, կարեկցաբար հարցրեց Մարգա-
րիտը:

— Ո՛չ, ես այդ չեմ ասում. ախր ես ու
մայրս սրանով փող ենք վաստակում. եթէ չբա-
նենք, ով մեզ հաց կըտայ:

— Ի՞նչու մայրդ չի նստում ու այս բաներն
ի՞նքը շինում:

— Այն ժամանակ ով կըտանի վաճառելու:

— Թող քեզ ուղարկէ. ման գալն ու վա-
ճառելը դժուար չէ:

Աշխէնը ծիծաղեց:

— Դու էլ բան ասացիր, Մարգարիտ. ի՞նչ
հեշտ գործ գտնար. դու պէտք է տեսնես՝ թէ
մայրիկս ի՞նչպէս յոդնած է տուն դալիս. խեղ-
ճը հազիւ է կարողանում ոտքերը քաշ տալ:
Այդ իմ բանը չէ. ես մի ժամի չափ կարող եմ
այնպիսի կողովը թեկիս ման ածել:

Մարգարիտը խոր մտածմունքի մէջ ըն-
կաւ և յետոյ ասաց.

— Խակ ես կարծում էի թէ այդ սեսակ
խաղալիկներ շինելը գուարճութեան պէս մի
բան է:

— Բան չունիս, ի՞նչ գուարճութիւն, ի՞նչ
բան. սրանք ինձ այնպէս ձանձրացըել են, որ
վրաները նախել անդամ չեմ ուղում, տաք-տաք
վրայ բերեց Աշխէնը:

— Ապա դու դրանցով խակի չես խաղում:

— Ի՞նչպէս թէ խաղամ:

— Օրինակ՝ կարող էիր տնակները դարսել,
տիկնիկին կառքով ման ածել, օրօրոցն օրօրել...

Աշխէնը կրկին ծիծաղեց:

— Հա, այդ էիր ուղում ասել. ախր խելքդ
ի՞նչ է կտրում, Մարգարիտ, կարելի է ծախու

բաները այդպէս փչացնել, յետոյ էլ ով կըգնէ
մեզանից; Աւելորդ կտորներից երբեմն ինձ հա-
մար բաներ եմ շինում, բայց երբէք խաղալիկի
վրայ չեմ մտածում, ինչիս են պէտք; Այ ես
աւելի սիրում եմ տուփիկներ, փոքրիկ կախկալ-
ներ; Տես, երէկ ինչ սիրուն արկղիկ եմ շինել:

Աշխէնը սեղանի գգրոցից հանեց մի փոքր
կոկ արկղիկ, շինած կարմիր ու կանաչ թղթից,
ափներն էլ ոսկեզօծ:

Աշխէնն ու Մարգարիտը արկղիկն էին
զննում, երբ Եղիսաբէթը ներս մտաւ; Նա զար-
մացած նայեց հիւրի վրայ:

Աշխէնը վախեցած ասաց մօրը.

— Մարգիկ ջան, սա Մարգարիտն է, սը-
րանք կենում են այս տան երրորդ յարկումը;

— Գու ում տանիցն ես, այ աղջիկ, սառը-
սառը հարցըց Եղիսաբէթը:

Մօր սուր աչքն խկոյն նկատեց, որ Աշ-
խէնը այդ օրը քիչ բան է շինել:

Մարգարիտը, որ բոլորովին շփոթուել էր,
այսպէս խօսեց.

— Հալրս ծառայութեան մէջ է... ես ուսում-
նարան եմ գնում... Մեղ Սելիկեան են ասում;

— Այդպէս է, հա. ուրեմն աւելի լաւ չէր
լինիլ, ձեր տանը նստէիր. կարելի է քո մայ-
րիկին անախորժ է, որ դու այստեղ, այս լո-
նաւ ու կեղտոտ ներքնատանն ես:

— Ընդհակառակը՝ ես զիտեմ, որ մայրս
ինձ վրայ չի բարկանայ. այստեղ ձեր բնակա-
րանում աւելի ուրախ եմ:

Եղիսաբէթը յօնքերը կիտեց ու ասաց.

— Այս, դու ուրախանալ ես ուզում, իսկ
իմ Աշխէնը գործ պիտի շինի: Յետոյ բարկա-
ցած դառնալով իւր աղջկան՝ յանդիմանեց նրան.

— Դու այսօր ինչո՞ւ ես ծուլացել. ինչ ու-
նէինք բոլորը ծախոտեցի, հասկա վաղն ինչ
պիտի տանեմ, անշնորհք:

Աշխէնն իրան բոլորովին կորցրեց: Նրա
վատ բախտից այդ լուպէին մօր աչքավին ընկաւ
Մարգարիտի փշացրած ու կիսատ թողած գործը:
Այն ժամանակ էլ չհամբերեց և բարկացած գո-
ռաց աղջկայ վրայ.

— Այս ինչ ծուռ ու մուռ ես կտրտել. ըս-
կոել ես թղթերը դոր փչացնել. կարծում ես
դրանց փող չի տուած:

Աշխէնը լոեց, վախենում էր զլուխը բարձ-

րացնել։ Մարդարիտն այլևս չկարողացաւ անխօս մնալ։

— Ի սէր Աստուծոյ, զբան մի՛ նախատէք,
աղաջում եմ, այդ բոլորի մեղաւորը ես եմ. կա-
մենում էի.... կարծում էի.... որ կ'օգնեմ նրան,
բայց շատ դժուար էր, չկարողացալ։

— Ա՛յ, հէնց զբա համար եմ ասում, որ
այստեղ քո տեղը չէ, մըթմըթալով ասաց Եղի-
սարէթը. քեզ համար այս բոլորը հանաքներ
են, իսկ մեղ համար դործ է։ Զես իմանում՝ որ
Դաղլազարդն անցնելուց յետոյ անզործ պիտի
մնանք, ձեռներո ծոցներս զբած. ախր հիմա
ամեն մի բոպէն թանդ է մեղ համար։

Մարգարիտը փասա-փուսէն հաւաքած զը-
նաց իրանց տուն։ Եղիսարէթը էլ չխօսեց. բայց
Աշխէնը դէմքից նկատում էր, որ մարդը իւր
վրայ խխտ չարացած է։ Աղջիկն աշխատանքը
կրկնապատկեց. կարծես նրա մատները իրանք
իրանց թղթի վրայ գնում գալիս էին։ Մարը
մոռութը կիտած սոսնձում էր։ Նա այսօր իսկի
քէֆին չէր երևում. թրջուել, դողդողոցն էր
ընկել, յոդնել. այստեղ էլ եկաւ տեսաւ աղջկա-
նը՝ պարապ, անզործ, պակասը լրացն։

ՀԱՅ

Պ



իս օրը Եղիսարէթը սովորակա-
նից վաղ զարթեցրեց իւր աղջկան և պա-
տուիրեց որ նա էլ հաղնուի։

Այսօր վաճառելու ապրանք շատ ունինք,
մի թեթև կողով էլ գուշ վերցրու, կարելի է
մինչև ճաշ բոլորն էլ ծախենք։ Այնքան ժողո-
վուրդ է հաւաքւում, որ ասեղ ձգես, գետնին
չի ընկնիլ։ Քանի վաղ է, կըճախենք, ճաշից
յետոյ կրգանք և երկուսով մեր գործը կըշարու-
նակենք։

Աշխէնը շատ ուրախացաւ. շտապով հագ-
նուեց, գլխին շալ, վրան էլ բարակ թիկնոց
զցեց։ Մի ժամանակ նա վերաբու էլ ունէր,
այժմ կարճ էր գալիս, իսկ ուրիշ նորը գնելու
կարողութիւն չունէին։

Նրանք դուրս եկան տանից։ Մի ցուրտ
բայց զեղեցիկ ու պարզ աւաւօտ էր։ Մեծ հրա-

պարակի առաջ խռնուած էին խաղալիկներ վաճառող շատ կանաչք, նրանցից ամեն մինը խրապրանքն էր զովում անցորդների առաջ: Աշխէնն էլ ուրախ այսպէս էր կանչում.

— Թրիմբդ, բարի օրիորդ, էժան ապրանք, ինձանփայ գնեցէք: Պարոն, թանդ չէ. նայեցէք, ինչ պատուական թնդանօթ է. զինն ընդամենը տառը կոպէկ. համեցէք, գնեցէք:

Դա առաջին անգամն էր առուտուր անում և գործի մէջ արդէն վարժ էր երեւում:

Մի ժամից ինտոյ մալրը մօակցաւ, նայեց նրա կողովին ու դովեց:

— Ապրիս, իմ քաջ Աշխէն, շուտով կողովդ կըդատարկես, բայց տես, որ էժան-էժան չժախես:

— Միամիտ կաց, մալրիկ, բոլորը քո պատուիրածի պէս եմ ծախում:

— Հէնց այդպէս էլ արա՞ հոգիս...

Մալրն առաց ու հեռացաւ: Աշխէնը շատ մըսել էր, ոտները ցրտից սառել մժմժում էին: Ինչքան էլ գետնին էր խփում, այս ու այն կողմ վազվում, հնար չէր լինում. դողը ջանն էր առել, ատամները չխչխկում էին:

Այդ ժամանակ նրա առաջ կանդ առաւ մի մարդ մի խռոմք երեխաներ հետը: Երեխաներն սկսեցին խաղալիկները տնդղել, մարդը դարձաւ աղջկան հարցրեց.

— Ի՞նչ է, այս աղջիկ, մըսում ես:

— Այս, պարոն, խիստ ցուրտ է:

— Էլի շատ ունիս ծախելու:

— Այս բոլորը, ինչ որ տեսնում էք:

— Այդ բոլորը ինչ կ'արժենայ, ասկը հաշուիր:

— Այս ասեմ. երկու աշտարակ, հատը երեսուն կոպէկ, կ'անէ վաժսուն կոպէկ. հինգ կառք, հատը քսան կոպէկ, այդ կ'անէ մի ոռւբլի. որանք էլ մանր-մունը խաղալիքներ են—մէկ, երկու, երեք... տաս. ամեն մինը հինգ կոպէկ, այդ էլ կ'անէ լիսուն կոպէկ. բոլորը միտոին...

Աղջիկը մտածեց, մտածեց ու չկարողացաւ գումարը գուրս բերել:

Պարոնը ժամանով ասաց. «Սպասիր ասեմ, բոլորը միասին կ'անէ երկու ոռւբլի տասը կոպէկ:

— Գի՞, երեխէք, շուտով որա կողովը թեթևացըէք, որ տուն վազէ տաքանայ:

Երեխայքն էլ հէսց այդ էին ուզում. մի
ակնթարթում կողովը դատարկեցին:

Աշխէնը լեր-վեր թռչելով՝ մօր մօտ վա-
ղեց:

— Մարդիկ, մարդիկ, ես բոլորը ծախեցի,
վերջացրի:

— Միթէ. այդպէս շնուտ:

— Մարդիկ ջան, թող ես տուն դնամ, ցըր-
տից մեռնում եմ:

Եղիսարէթը նայեց աղջկայ վրայ, որի երեսը
բոլորովին կապտել էր, ատամներն իրար էին
դարձում կ'ասես ջերմի մէջ:

— Գնա, մատաղ, դու գնա. բայց կարձղ
ես ճանապարհը դտնել:

— Կրդտնեմ, մարդիկ ջան, կրդտնեմ:

Աշխէնը ճանապարհին տաշեղներ ժողովեց,
երկու կտոր էլ փայտ դտաւ, երեւի մշակի շա-
լակից էին ընկել: Դրանցով տանը կրակ վառեց,
ըլով լվք փոքր կաթսան կրակին դրեց ու ինքն
էլ մօտը նստեց. զլուխը դնդդնդում էր, իրան
ծանր էր զգում. մէկ մրսում էր, մէկ տաքանում:

— Ի՞նչ եղաւ Մարգարիտը, յանկարծ մը-
տածեց նա, միթէ էլ ինձ մօտ չի դալու: Մայ-

րիկիս կըխնդրեմ, որ էլ չբարկանայ նրա վրայ...
բայց չէ, վախենում եմ...

Մի ժամ չէր անցել, մայրն եկաւ, տեսաւ
կրակի վրայ շիլափլաւը պատրաստ, կաթսացի
մէջ էլ առանձին ջուրը եփ դալիս:

— Այ, ապրի իմ աղջիկը, որ ջուր էլ է եփ
տուել: Դու ինչ գիտէիր որ թէյ եմ բերում:

Նրանք շատ սակաւ էին թէյ իմում. բայց
որովհետեւ այդ օրը լաւ առուտուր ունեցան,
Եղիսարէթը իրան թողլ էր տուել այդ փոքր
շուալութիւնն անել: Նա արդէն մտքում վրձ-
ուել էր, որ ամեն օր իւր հետ վերցնի Աշխէ-
նին, բոլոր ապրանքը վաճառէ, ապա ճաշից
յետոյ զայ աղջկայ հետ գործի նսոի: Ի հարկէ,
այսպիսով նրա գործը աւելի յաջող կ'երթար.
իւր աղջիկը, որ տանը նստելուց ձանձրացել էր,
այժմ առիթ կ'ունենար դուրս զալ և դարնա-
նային մաքուր օդ ծծել:

Սակայն նրա ծրագիրները փշրուեցին: Աշ-
խէնը ճաշին բան չկերաւ, թէյից երկու-երեք
կում հազիւ խմեց, սիրտը խառնում էր, զլուխը
ցաւում: Այս ամենը բանի տեղ չգնելով՝ նա
փորձեց գործի նստել, բայց քառորդ ժամ չան-

— Միքիչ բան կեր, արևի դ մեռնի մայրիկը:
— Զէ, մայրիկ, սիրտս ոչինչ չի քաշում:
Եղիսաբէթը սիրտը պնդացնելով՝ դուրս ե-
կաւ, հարևան լուացարարին աղաչեց, որ մի-մի
անգամ տուն մտնի հիւանդին նայէ:

Աշխէնը հանգիստ պառկած էր. աչքերը
մէկ-մէկ լսիում էր և կիսաքուն եղած՝ խառն
ի խուռն երազներ տեսնում, երբեմն էլ դէռ ու
դէն աչք ածում և ջրից կում-կում խմում:

Իրիկնադէմին մայրն եկաւ: Յուսով էր՝ որ
Աշխէնը լաւացած կըլինի, բայց ի գուր. աղջկայ
հիւանդութիւնը քանի գնում՝ ծանրանում էր.
գիշերն անդադար զառանցում էր. կարծես կրա-
կի մէջ վառուելիս լինէր: Եղիսաբէթը ամբողջ
գիշերը չկարողացաւ աչք կպցնել: Առաւօտը
վաղ նա վազեց երրորդ բժշկի մօտ. սա էլ ասաց
որ միայն երեկոյեան կարող է այցելել, որով-
հետեւ հիւանդանոցում օրապահութեան հերթը
նրանն է: Եղիսաբէթը լաց եղաւ, չէր իմանում
որ ջուրն ընկնի. ձեռը գործ չէր բռնում և ոչ
կարողանում էր հիւանդին աչքաթող անել:

Այդ միջոցին դուռը յանկած բացուց և

երեաց Մարգարտի դլուխը. Եղիսաբէթին տե-
սաւ թէ չէ՝ շփոթուեց:

— Այդ դու ես, Մարգարիտ, մի քաշուիր,
առաջ արի, ձայն տուեց Եղիսաբէթը: Նա ու-
րախացաւ, որ վերջապէս մէկը ներս մտաւ:

Մարգարիտը մտնելուն պէս անխտահ կեր-
պով հարցրեց.

— Հասկա Աշխէնն ուր է:

— Աշխէնը երեկուանից հիւանդ է, իմ աչ-
քի լոյս. նա հիւանդացաւ ու աշխարհը գրլ-
իսիս մթնեց, պատասխանեց Եղիսաբէթը և աչ-
քերից արտասուք թափեց:

Մարգարիտն անկողնին մօտեցաւ և հի-
ւանդի ձեռը բռնեց: Աշխէնն աչքերը բաց ա-
րեց ու հարցրեց.

— Մարգարիտ ջան, եկել ես:

Մարգարիտը քիչ մնաց: լաց լինէր, երբ
լսեց այդ թոյլ ձայնը և նայեց նրա տխուր,
սիրթնած երեսին:

— Ի՞նչ է պատահել քեզ, Աշխէն, որ պառ-
կել ես:

— Ախ, Մարգարիտ ջան, մորմոքուելով
խօսեց Եղիսաբէթը, աշխարհս քանդուել է, իմ

Երեխի համար բժիշկ չի ճարւում, երեքի մօտ
դնացել եմ, մեզ պէս աղքատներին մարդատեղ
չեն դնում. մնացել եմ տարակուսած:

Մարգարիտը մտածեց, մտածեց ու ասաց.

—Գիտէք ինչ կայ, այս բոակիս ես կրվա-
գեմ մեր բժշկի մօտ, իմ եղբայր Պետրոսին էլ
նա է բժշկում քութէշից, այժմ արդէն առաղ-
ջանալու վրայ է:

—Նա էլ չի դայ, դուք կրվինի դնալդ,
կասկածանքով գլուխն օրօրեց Եղիսաբէթը. բայց
Մարգարիտն արդէն ծլկել էր, նրա համար ա-
սած ու կատարած՝ մի բան էր: Կէս ժամ չէր
անցել, դարձաւ ու իւր հետ բերեց մի երիտա-
սարդ բժիշկ:

—Դէ, փոքրիկ, մոր է քո հիւանդը, ներք-
նատունն աչքի անցնելուց լետոյ ուրախ-ուրախ
հարցըց բժիշկը:

—Ահա այսուղ է, պարոն բժիշկ, ասաց
Մարգարիտը և տարաւ նրան հիւանդի մօտ:

Բժիշկը կուցաւ քնած հիւանդի վրայ և
ուշադրութեամբ զննեց նրա երեսն ու բուկը:

—Աստուած ձեզ երկար կեանք տայ,
պարոն բժիշկ, որ մեզպէս խեղճերին մտներդ

էք բերում, խորը գլուխ տալով՝ ասաց Եղիսա-
բէթը:

— Մոմ չունիք արդեօք, ինդրեմ վառէք,
ախտեղ մութն է, բան չի երևում, խօսեց բժիշկը:

Խեղճ Եղիսաբէթը մնաց տարակուսած.
Նրանց տանը ոչ թէ մոմ, այլ մոմի հոտն էլ չկար:
Երեկոները նրանք էժանագին ճրագ էին վա-
ռում: Նա վազեց հարևանի տուն և շոտով
յետ դարձաւ մի կտոր մոմ ձեռին:

Բժիշկը թէի զդալ պահանջեց, բայց այդ
էլ չկար, նրանք միայն փայտէ մեծ զդալ ունէին:

—Վնաս չունի, փայտէ զդալը բեր, շտա-
պով վրայ բերեց բժիշկը: Յետոյ նատեցրեց աղ-
ջկան, Եղիսաբէթին ասաց որ պահի նրան.
մոմը տուեց Մարգարիտին, իսկ ինքն սկսեց հի-
ւանդի բուկը զննել:

Ինչպէս երևում էր Աշխենը չէր զգում՝ թէ
ինչ էր կատարում իւր շուրջը, որովհետեւ ուշ-
քը վրան չէր:

Երկար զննելուց յետոյ՝ բժիշկը շօշափեց
հիւանդի բաղկերակը, գլուխն օրօրեց, նորից
զննեց նրա երեսը, բուկը, ձեռները և կարմիր
բծերը ցոյց տալով՝ ասաց.

—Այս բոլորը քութէշի նշաններ են:

Մարգարիտը բժշկի խօսքերը լսելիս՝ հէնց կարծես կայծակնահար եղաւ. նա ճիդ էր թափում որ խօսի, բայց չէր կարողանում մի բառ անդամ արտասանել և լաց եղաւ:

—Ի՞նչ պատահեց քեզ, Մարգարիտ, կարեկցաբար հարցուց բժիշկը:

—Ախ, պարոն բժիշկ, —հեկեկալով ասաց նա, —այդ բոլորի պատճառը ես եմ... միայն ես եմ մեղաւոր....

—Ի՞նչեր ես ասում, հանդարտ ասնա, տեսնեմ. հանգստացիր, ջնուր խմիր, յորդորում էր բժիշկը:

—Ես.... ես.... եկայ. չէ որ մեր Պետրոսը.... սրա մօտ ես եմ եկել և.... վարակել եմ:

Բժիշկը գլխի ընկաւ և հարցուց.

—Ախ, այն, դու կարծում ես՝ թէ սրա քութէշ ընկնելու պատճառը դու ես հա:

—Ի հարկէ ես. Աշխէնն այստեղ ինձանից աւելի ոչ ոքի չի տեսել:

—Ճատ կարելի է քո ասածը ճիշտ լինի. բայց դու հանդիստ կաց, ես կ'աշխատեմ սրան առողջացնել:

Եղիսաբէթը լովիկ լալիս էր: Մարգարիտն այդ նկատելով՝ մօտեցաւ նրան և արտասուելով խօսեց.

—Ներեցէք ինձ, աղաջում եմ, ներեցէք, չէ՞ որ ես առանց մտածելու եմ արել այդ բանը:

Եղիսաբէթը ձեռքով շոյեց նրա գլուխն ու ասաց.

—Մի լար, աղջիկս, ի՞նչ արած, երեկի մեր ճակատագիրն այս է. յուս ունիմ, Աստուած ինձ խղճայ, և Աշխէնս առողջանայ:

Բժիշկը դեղատոմս գրեց և դուրս գալիս խոստացաւ, որ միւս օրն էլ կըդայ:

—Գնացէք գեղ բերելու, մինչև ձեր գալը այստեղ կըսպասեմ, ասաց Մարգարիտը:

—Իսկ քո մարդը, ով գիտէ, որոնում է քեզ և կարելի է բարկանայ, եթէ իմանայ, որ հիւանդի մօտ ես նստած:

—Ո՛չ, իմ մալրիկը բարի է. քութէշ ես արդէն ընկել եմ, միամիտ եղէք, ես կըհսկեմ:

Եղիսաբէթը վաղեց գեղ բերելու և երբ վերադարձաւ Մարգարիտին համոզեց որ տուն գնայ:

—Լաւ, կ'երթամ, բայց վաղը մարդիկից իրաւունք կ'առնեմ, որ ամբողջ օրն այստեղ մնամ:

— ԱՌ, ինչ բարի սիրտ ես ունեցել, այս
անգին աղջիկ, ասում էր Եղիսարէթը Մար-
գարտին ճանապարհ դնելիս:



2

 արգարիտը շաբաթ առաւօտ կա-
նուխ եկաւ մի կողով ձեռին:

— ԱՌ, ես մալրիկիս խնդրեցի, և նա
թող տուեց որ ձեզ մօտ մնամ, միայն թէ ճա-
շին չուշանամ. մենք ժամը չորսին ենք ճա-
շում: Հէնց որ երեկոյեան զանգակները կըտան,
ես տուն կըփագեմ: Գուք միամիտ գնացէք ձեր
առևտորին, ես կըհսկեմ. երէկ էլ չգնացիք, չէ:

— ԱՌ, էլ մի լիշեցնիր, հոգիս. ով գիտէ՝
թէ ինչ օրեր պիտի լուսանան դժբախտիս հա-
մար, եթէ Աշխէնիս հիւանդութիւնը երկար
քաշի: Խաղալիկներ վաճառողի խանութից պա-
տուէր եմ վերցրել, զեռ պատրաստ ոչինչ չու-
նիմ, մտածում էի Աւագ-ուրբաթ սկսեմ, ինչ
գիտէի թէ կարող է զլուխս այսպէս բան դալ:

— Թէ, տեսնում էք, ուրեմն գնացէք, զբ-
նացէք, շտափեցնում էր աշխոյթ Մարգարիտը.

դուք երկիւղ մին աւնենաք. հիւանդ պահելու
շնորհք ունիմ. շատ անգամ մեր Պետրոսին
էլ ես էի հսկում: Եթէ Աշխէնն իրան դարձեալ
լաւ չզգայ, իսկոյն կըվաղեմ բժշկի մօտ, նա
անյապաղ կըգայ:

— Անչափ շնորհակալ եմ քեզանից, ան-
նման աղջիկ, միսիթարուելով խօսեց Եղիսարէ-
թը և պատրաստի խաղալիկները կողովի մէջ
դարսեց: Վայ զիխիս, իմ շինած բանն այսպէս
քիչ պիտի լինի:

— Տուէք ինձ որեւէ բան շինելու, վրայ
բերեց Մարգարիտը, բայց իւր առաջուայ գործը
մտաբերելով և ամաչեց, և թախանձեց. — Հի-
մա կ'աշխատեմ, էլ չեմ փչացնիլ... այսպէս ան-
գործ նստած պիտի լինիմ միւնոյն է:

— Թու կըյտնես, իմ աչքի լոյս. ձեռ վեր-
ցրու, աշխատանքի սովորելը հեշտ բան չի:

— Կ'աշխատեմ, հաւատացէք, կ'աշխատեմ.
թէ Աշխէնին սիրում էք, որեւէ բան տուէք
շինելու, աղաչում եմ:

— Լաւ, ահա քեզ պտըտան ջրաղացներ.
սրանք դժուար բաներ չեն:

Եղիսարէթը թողթը հանեց, Մարգարիտին

ցոյց տուեց՝ թէ ինչպէս պէտք է կտրտի, գըն-
դասեղներով ամրացնի և սարքի մետաղի թէլի
ու բարակ ճիպոտի վրայ: Մարգարիտը փորձի
համար սկսեց մի խաղալիկ նրա առաջ շինել:
Եղիսարէթը համբերութեամբ բացատրում էր
ուղղում, մինչև նա սովորեց: Այն ժամանակ ին-
քը գնաց, իսկ Մարգարիտը կամաց մօտեցաւ
հիւանդի անկողնին: Աշխէնը քաղցր քնած էր:
Մարգարիտը ոտի ծալբերի վրայ զգուշութեամբ
դարձաւ սեղանի մօտ և դորձի նստեց:

Կա այժմ աշխատում էր ոչ մի թերթ-
թուղթ չփչացնել. շատ կարգին դարսում էր,
կտրում, ինամքով հաւաքում բոլոր կտորները
տուփի մէջ. թէպէտ գործը դանդաղ էր գնում,
բայց շինածները բանի նման էին:

Աշխէնը շարժուեց և զլուխը բարձրացրեց.
նրա երեսն ու ձեռները ամբողջապին ծածկուած
էին բծերով. աչքերն ալրում էին. «մալրիկ»
կանչեց նա:

Մարգարիտը մօտեցաւ:

— Աշխէն ջան, մալրիկդ գնաց իւր գոր-
ծին, ես եմ քեզ մօտ:

Աշխէնն աչքը զցեց ընկերուհու վրայ և

իսկոյն չկարողացաւ ճանաչել. երբ դլիսի ընկաւ հարցրեց.

—Ա՛յս, Մարգարիտ ջան, դու այստեղ ի՞նչ ես անում, մայրիկս քեզ վրայ չէ բարկանում:

—Ո՛չ, Աշխեն. այսուհետեւ ես պիտի նայեմ քեզ. ախր դու չգիտես որ քո հիւանդութեան բոլոր պատճառը ես եմ: Եւ սկսեց մանրամատն պատմել:

Աշխենը շփոթութեան մէջ ընկած լսում էր նրան:

—Հապա դու քութէշից չե՞ս վախենում, Մարգարիտ. որ դու էլ հիւանդանաս, վախեցած հարցրեց նրան:

—Մի վախենար, Աշխեն, ես քութէշ էլ եմ ընկել, կարմրուկ էլ. այդ հիւանդութիւնները չեն կրկնում:

Աշխենը իւր շուրջը նայեց և կտրտած թղթերը տեսնելով վախեցած բացականչեց.

—Վայ, Մարգարիտ, այդ ի՞նչ է, այս թուղթը դու ես կտրտել. մայրիկս հօ կըբարկանայ:

—Այդ մասին անհոգ կաց, մայրիկդ ի՞նքն է տուել թուղթը. քանի որ դու հիւանդ ես նրան ես պիտի օդնեմ:

Աշխենը ժպտաց և ասաց.

—Ի՞նչ լաւ աղջիկ ես, Մարգարիտ, քեզ շատ, շատ եմ սիրում. Մարգարիտը համբուրեց նրան և ասաց.

—Աշխեն ջան, վեր կենալ չի կարելի, հանգիստ պառկիր, ահա որտեղ որ է բժիշկը կըգալ, իսկ ես գործի նստեմ:

—Մարգարիտ, սաստիկ ծարաւ եմ:

Մարգարիտը շտապով կողովը վերցրեց:

—Ո՛ւհ, ինչ անշնորհք եմ եղել, քիչ էր մնում մոռանալի. մայրս ուղարկել է օշարակ, սպիտակ հաց, թէյ, շաքար և չորացրած արգանակ, որ հեշտ կարելի է ջրով բաց անել և տաքացնել:

Աշխենը նորից ժպտաց:

—Մարգարիտ ջան, ուտելու ախորժակ չունիմ, միայն խմել եմ ուզում:

Մարգարիտը ջուր ածեց բաժակը, վրան օշարակ աւելացրեց և խառնեց: Նա հրձուանքով նայում էր՝ թէ ինչպէս Աշխենը ագահութեամբ կուլ էր տալիս քաղցրահամ խմիչքը:

Փամը չորսին Եղիսարէթը տուն եկաւ: Նա զովեց Մարգարիտի շինած ջրաղացները. պակաս

տեղերն էլ ի՞նքը լրացրեց։ Աշխէնն ուտելու բան
ուզեց։ Մարգարիտը Երիսարէթին յանձնեց ար-
դանակը, թէլը, սպիտակ հայն ու ի՞նքը վազեց
ճաշելու։

Կէս ժամից յետոյ նա կրկին եկաւ իւր
սպասաւորութիւնն անելու։ Եկաւ և բժիշկը, նա
Մարգարտին ուրախ ողջունեց և Եղիսարէթից
իմանալով՝ որ նա ամբողջ օրը հիւանդի մօտ է
եղել, ասաց. «Ա'պրիս, Մարգարիտ, կատարեալ
հիւանդապահ ես եղել։»

—Պարոն բժիշկ, ՀՀնջաց Մարգարիտը
նրան ճանապարհ դնելիս, դուք մեր տուն էք
դնում, չէ. ինդրում եմ մայրիկիս ասէք,
որ թոյլ տայ Աշխէնի մօտ նստեմ. մեր Պետ-
րոսը հիմա առողջ է, իսկ Աշխէնը պահող-պահ-
պանող չունի. կ'ասէք, այնպէս չէ։

Եւ Մարգարիտն այսպիսի շողոմքոր հայ-
եացք ձգեց բժշկի վրայ, որ նրա ծիծաղը բերեց։

—Լաւ, կ'ասեմ, կ'ասեմ, իստուացաւ բժիշկն
ու գնաց։

Ե

 Աշխէնը նկատելի կերպով կազմուրում
էր։ Մարգարիտն ամբողջ օրերով նրա կողքին
նստած էր լինում. մի շաբաթուայ մէջ նա սովո-
րեց զեղեցիկ կերպով ձեւել և սոսնձել կառքեր,
թնդանօթներ, տնակներ։ Երբեմն խիստ յոգնում
էր բանելուց, բայց աշխատում էր որ ոչ ոք
չնկատի։ Այժմ Աշխէնը նոյնպէս օդնում էր
իւր խորհուրդներով, ցոյց էր տալիս՝ թէ ինչ-
պէս պէտք է դնէ օրինակը, ինչպէս մաքուր
սոսնձի։ Գեռ իրան թոյլ չէին տալիս, որ գործ
շինէր. բժիշկն ասում էր, որ աչքերը կարող
են վնասուել։

Այսպիսով չարչարանքի շաբաթն անցաւ։
Աշխէնն արդէն կարողանում էր անկողնում նրս-
տել և Մարգարտի բերած բաներն ախորժակով
ուտել։

Մարգարտի մայրն էլ մի-երկու անգամ

Եկաւ հիւանդին այցելելու. իւր տնից երբեմն արգանակ էր ուղարկում, երբեմն միս, երբեմն թէյ:

Զատկի առաջին օրն էր. մէկ էլ տեսնես Մարգարիտը հւեալով վազում է. մէկ ձեռքին մի մեծ կողով ունէր, միւսումն էլ քառանկիւնի մի բան: Կողովը Աշխէնի մօրը տալով՝ ասաց.

—Տիկին, ահա այս մալրիկս ձեզ համար ուղարկեց. իսկ այս, Աշխէն ջան, ես եմ քեզ ընծայ բերել. ապա իմացի՞ ի՞նչ բան է. թղթի տակ մի բան պղպջում էր:

Աշխէնը հետաքրքրութեամբ նայում էր ամեն կողմից և չէր կարողանում գուշակել: Ար ժամանակ Մարգարիտը թուղթը յետ քաշեց և հանեց մի վանդակ՝ մոխրագոյն մշահաւ մէջը:

—Քեռիս այսօր այս բերեց ինձ համար. իսկ ես քեզ եմ տալիս, որ տխուր չլինիս. քեռիս սրա համար կուտ էլ է բերել. այստեղ ամանով դրած է, երբ վերջացնի, քեռուս կ'ասեմ՝ որ էլի բերէ: Ո՞ր իմանաս, ի՞նչ չարաճնին է. մարդու բերանից շաքարի կտոր է հանում, ուսի վրայ նատում է, իսաղում է. մի խօսքով,

բոլորովին ձեռնասովոր է: Սրա անունը Հուպլի է: Աղջիկները վանդակը բաց արին: Հուպլին դուրս եկաւ, թևերը թափահարեց և սկսեց հպարտ-հպարտ ման ու ման անել վերմակի երեսով: Աշխէնը քրքզալէ ծիծաղում էր նրա արարքների վրայ. թուշունը նրա մատների հետ կուռելով՝ ծիծաղու թուլացնում էր. կամ չըթքրթացնում էր, կամ չանկերով խփում ու թևերը թրթուացնում:

—Դեռ քեզ ուրիշ նոր բան էլ պիտի ասեմ, աւելացրեց Մարգարիտը.—այսօր բժիշկը մեր տանն էր, իսուտացաւ՝ որ վաղը քեզ թողլ կըտայ վեր կենաս:

—Ա՞խ, ի՞նչ լաւ բան է ասել, ուրախ ձայն տուեց Աշխէնը:

—Մալրիկ ջան, լսեցի՞ր, բժիշկն ասել է, որ ես վաղը պիտի վեր կենամ:

Եղիսաբէթն այս լսելով՝ ուրախութիւնից լաց եղաւ:


—Ասուած երկար կեանք տայ, ասաց նա համբուրելով և գուրգուրելով աղջկան. այս բոլոր ուրախութիւնների պատճառը Մարգարիտն է. եթէ սա չլինէր, ով գիտէ՝ ի՞նչ պատահէր քեզ:

Մարդարիտը կարմրեց և շփոթուած երե-
սը շուռ տուեց: Բայց նրա ժպտուն դէմքը լե-
զուի փոխարէն կարծես ասում էր, որ նրա հո-
գու ներսը այնպէս ուրախ ու պահառ է, ինչ-
պէս կանաչ-կարմիր ջատիկը:

Աշխէնն առողջացաւ և մի շաբաթից յե-
տոյ սկսեց մօր հետ աշխատել: Այժմ երեկոները
նրանց մէկ ուրիշն էլ էր օդնում:

Ի հարկէ, սիրելի ընթերցող, դու իմացար՝
թէ ով կըլինէր այդ երրորդ հոգին:

Աշխէնը ցերեկները մենակ մնալիս, այլևս
չէր տխրում, որովհետև նրա շուրջը թռչո-
տում էր խելօք չուպլին և ուրախ կատակնե-
րով զբաղեցնում:



20 n -

~~3917~~

3917
3918
3919
3920

0008448
0008449

0008450

~~0008450~~
0008450
0008451

ՀՀ Ազգային գրադարան



NL0008451

ՀՀ Ազգային գրադարան



NL0008450

ՀՀ Ազգային գրադարան



NL0008449

ՀՀ Ազգային գրադարան



NL0008448

2013

